

Pelajar SMK Labuan Juara Kebangsaan



Labuan, 4 Nov – Adik Nur Athikah binti Hamdan telah melakar sejarah tersendiri apabila muncul sebagai Johan dalam pertandingan Penulisan Kreatif MBMMBI kategori menengah atas peringkat kebangsaan baru-baru ini.

Pertandingan koakademik anjuran Kementerian Pendidikan itu telah menarik penyertaan dari seluruh negara dalam pelbagai kategori.

Majlis pengumuman keputusan telah dibuat di Balai Budaya Tun Syed Nasir, Dewan Bahasa Dan Pustaka, Kuala Lumpur pada Selasa lalu.

Adik Nur Athikah Hamdan merupakan pelajar Tingkatan 6 Atas di SMK Labuan.

“Kemenangan ini adalah sesuatu di luar jangkaan kerana hasrat awal hanyalah untuk penyertaan sahaja. Syukur kepada Allah” katanya ringkas yang telah dibimbing oleh

Cikgu Nasthashia Binti Masiri@Masrih.

Adik Nur Athikah Hamdan

Beliau telah membawa pulang hadiah kemenangan berupa sebuah trofi dan sijil kemenangan.

Pengetua sekolah, Encik Mohd Nizam Yasim melahirkan rasa bangga atas kemenangan yang diraih.

“Ini dapat membuktikan bahawa slogan Labuan Superb bukan hanya sebuah slogan retorik tetapi merupakan menifestasi dan keazaman murid-murid Labuan apabila bertanding di peringkat kebangsaan.” tambah beliau.

Selain itu, kontinjen Labuan juga berjaya meraih tempat terbaik dalam kategori masing-masing.

Antaranya ialah adik Akif bin Kitli (SM St. Anthony),

adik Moses Yii Xi Hong (SMK Labuan), adik Faiza Amalina binti Amdan (SM Sains) dan adik Janice Ann Julius (SM St. Anne)

Hadiah-hadiah telah disampaikan oleh Dr. Hajjah Zalina binti Mohd Tahir, Timbalan Pengarah Pendidikan, Sektor Perancangan dan Pengurusan PPD, Jabatan Pendidikan W. P. Kuala Lumpur.

Turut hadir dalam majlis tersebut ialah Encik Mohd Nasrun bin Ramlee, Penolong Pengarah Unit Pembangunan Bakat Murid, Sektor Pembangunan Murid dan Puan Roziah binti Abdul Rahman, guru pembimbing dari SM St. Anthony.

Berita Oleh : SMK Labuan